

საჯარო სამართლის იურიდიული პირი -  
ბათუმის შოთა რუსთაველის სახელმწიფო უნივერსიტეტი

ბრძანება № 01-02/13

ქ. ბათუმი

01 თებერვალი, 2021 წ.

ბსუ-ს საბუნებისმეტყველო მეცნიერებათა და ჯანდაცვის ფაკულტეტის  
„დიპლომირებული მედიკოსის“ ერთსაფეხურიან საგანმანათლებლო  
(ინგლისურენოვან) პროგრამაზე მე-8 ნაკადზე ჩარიცხულ სტუდენტთათვის 2021-  
2022 სასწავლო წლის გაზაფხულის სემესტრის აკადემიური კალენდარისა და  
საორგანიზაციო ღონისძიებების შესახებ

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, ბსუ-ს წესდების მე-13 მუხლის, ბსუ-ს აკადემიური საბჭოს 2015 წლის 08 ოქტომბრის №111 დადგენილებით დამტკიცებული „სასწავლო პროცესის მარეგულირებელი წესი“-ს, ბსუ-ს წარმომადგენლობითი საბჭოს 2015 წლის 29 სექტემბრის №06 გადაწყვეტილებით დამტკიცებული „საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის სტუდენტთა სწავლის საფასურის გადახდის წესის“, „ბსუ-ს უცხოენოვან საგანმანათლებლო პროგრამაზე სწავლის საფასურის გადახდის წესის დამტკიცების თაობაზე“ ბსუ-ს წარმომადგენლობითი საბჭოს 2019 წლის 22 ნოემბრის №07-01/47 გადაწყვეტილების, „ბსუ-ს უცხოენოვან საგანმანათლებლო პროგრამაზე სწავლის საფასურის გადახდის წესის დამტკიცების თაობაზე“ ბსუ-ს წარმომადგენლობითი საბჭოს 2019 წლის 22 ნოემბრის N07-01/47 გადაწყვეტილებაში ცვლილებისა და დამატების შეტანის შესახებ“ ბსუ-ს წარმომადგენლობითი საბჭოს 2019 წლის 17 დეკემბრის N07-01/60 გადაწყვეტილების, „ბსუ-ში დიპლომირებული მედიკოსის ერთსაფეხურიან (ინგლისურენოვან) საგანმანათლებლო პროგრამაზე 2020-2021 სასწავლო წლის ორგანიზებულად წარმართვის შესახებ“ ბსუ-ს აკადემიური საბჭოს 2020 წლის 9 სექტემბრის N06-01/59 დადგენილების, „ბსუ-ს საბუნებისმეტყველო მეცნიერებათა და ჯანდაცვის ფაკულტეტის დიპლომირებული მედიკოსის ერთსაფეხურიან საგანმანათლებლო პროგრამაზე (ინგლისურენოვანი) ერთიანი ეროვნული გამოცდების გავლის გარეშე ინდოეთის რესპუბლიკის მოქალაქეების (ე.წ. მე-8 ნაკადის) ჩარიცხვის შესახებ“ ბსუ-ს რექტორის 2021 წლის 26 იანვრის №01-08/04 ბრძანების, საბუნებისმეტყველო მეცნიერებათა და ჯანდაცვის ფაკულტეტის დეკანის მოადგილის, ს. ცქვიტინიძის 2021 წლის 30 იანვრის MES 7 21 0000044425 მოხსენებითი ბარათის საფუძველზე,

ვ ბ რ ძ ა ნ ე ბ :

1. ბსუ-ს საბუნებისმეტყველო მეცნიერებათა და ჯანდაცვის ფაკულტეტის „დიპლომირებული მედიკოსის“ ერთსაფეხურიანი საგანმანათლებლო (ინგლისურენოვანი) პროგრამაზე 2021 წლის გაზაფხულის სემესტრისათვის ჩარიცხული სტუდენტებისთვის (ე.წ. მე-8 ნაკადზე ჩარიცხული პირები) 2021-2022 სასწავლო წლის გაზაფხულის სემესტრის აკადემიური კალენდარი განისაზღვროს და სასწავლო პროცესი წარიმართოს შემდეგნაირად:

- ა) 2021 სასწავლო წლის გაზაფხულის სემესტრის აკადემიური რეგისტრაცია (რაც გულისხმობს სასწავლო პროცესში მონაწილეობის მზაობის დადასტურებას) განხორციელდეს არაუგვიანეს 2020 წლის 01 მარტიდან 7 მარტამდე, ფაკულტეტის მიერ მითითებული სერვისის მეშვეობით (დაეგზავნოს შეტყობინება ელ. ფოსტების მეშვეობით);
- ბ) გაზაფხულის სემესტრის სასწავლო პროცესი დაიწყოს 2021 წლის 9 მარტს და დასრულდეს 2021 წლის 26 ივნისს;
- გ) გაზაფხულის სემესტრის ძირითადი საგამოცდო სესია ჩატარდეს 2021 წლის 28 ივნისიდან 2021 წლის 24 ივლისის ჩათვლით, ხოლო დამატებითი საგამოცდო სესია - 2021 წლის 26 ივლისიდან 2021 წლის 31 ივლისის ჩათვლით.

2. ბსუ-ს საინფორმაციო ტექნოლოგიების სამსახურმა და ბსუ-ს საბუნებისმეტყველო მეცნიერებათა და ჯანდაცვის ფაკულტეტმა, კოორდინირებული მუშაობით უზრუნველყონ „დიპლომირებული მედიკოსის“ ერთსაფეხურიანი საგანმანათლებლო პროგრამაზე მე-8 ნაკადზე ჩარიცხული პირებისათვის ბსუ-ს კორპორატიული ელ.ფოსტების შექმნა (რათა შესაძლებელი იყოს მათი ე.წ. „google classroom“ ელექტრონულ სისტემაში დაშვება, მსგავსად ამავე პროგრამაზე ჩარიცხული შვიდივე ნაკადის სტუდენტებისა).

3. ბსუ-ს საინფორმაციო ტექნოლოგიების სამსახურმა და ბსუ-ს სტუდენტთა კარიერული განვითარების, კულტურისა და სპორტის დეპარტამენტის სტუდენტთა ელექტრონული სერვისების მართვის სამსახურმა, ერთობლივად, უზრუნველყონ წინამდებარე ბრძანებაში აღნიშნული ბსუ-ს სტუდენტთა მიერ სასწავლო პროცესის ელექტრონულ სისტემით/სტუდენტური პორტალით სარგებლობა (2019 წლის --- აკრედიტირებული „დიპლომირებული მედიკოსის“ ერთსაფეხურიანი საგანმანათლებლო (ინგლისურენოვანი) პროგრამის დამატება ელ.ჟურნალში ([spm@bsu.edu.ge](mailto:spm@bsu.edu.ge))).

4. სტუდენტებს განემარტოთ, რომ ბსუ-ს წარმომადგენლობითი საბჭოს 2019 წლის 22 ნოემბრის №07-01/47 გადაწყვეტილებით დამტკიცებული სწავლის საფასურის გადახდის წესის (შემდეგში „სწავლის საფასურის გადახდის წესი“) თანახმად, სტუდენტს შეუჩერდება სტატუსი, თუკი დადგენილ ვადაში არ გაივლის აკადემიურ ან/და ადმინისტრაციულ რეგისტრაციას.

5. ბსუ-ს საბუნებისმეტყველო მეცნიერებათა და ჯანდაცვის ფაკულტეტმა უზრუნველყოს:

ა) წინამდებარე ბრძანების შესაბამისად აკადემიური კალენდარისა და ბსუ-ს წარმომადგენლობითი საბჭოს 2019 წლის 22 ნოემბრის №07-01/47 გადაწყვეტილებით დამტკიცებული სწავლის საფასურის გადახდის წესის შესახებ ბსუ-ს ინგლისურენოვანი პროგრამის ყველა სტუდენტის ინფორმირება, ფაკულტეტის ადმინისტრაციის მიერ სასწავლო პროცესის ადმინისტრირების პროცესში შექმნილი საკომუნიკაციო ყველა საშუალების გამოყენებით (სტუდენტთა საჯარო ინფორმირება);

ბ) ბსუ-ს ინგლისურენოვანი პროგრამის სტუდენტთა მიერ 2021 წლის გაზაფხულის სემესტრის აკადემიური რეგისტრაციის შედეგების შესახებ მონაცემების შეგროვება და წარმოდგენა;

გ) სასწავლო პროცესის წარმართვის ღონისძიებებთან, ასევე სტუდენტთა აკადემიური რეგისტრაციის მონაცემების გათვალისწინებით ბსუ-ს აკადემიური და მოწვეული პერსონალის სამუშაო დატვირთვის შესახებ ბსუ-ს რექტორის ბრძანებებში ცვლილებების შეტანის შესახებ სამსახურებრივი ბარათის წარმოდგენა (სასწავლო პროცესის დეპარტამენტთან კონსულტაციების საფუძველზე).

6. წინამდებარე ბრძანება ითარგმნოს ინგლისურ ენაზე და ეცნობოს სტუდენტებს.
7. ბრძანება დაეგზავნოს რექტორის მოადგილეს, ადმინისტრაციის ხელმძღვანელს, შესაბამის ფაკულტეტს, საფინანსო-ეკონომიკურ დეპარტამენტს, იურიდიულ დეპარტამენტს, საინფორმაციო ტექნოლოგიების სამსახურს, სასწავლო პროცესის დეპარტამენტს და სტუდენტთა კარიერული განვითარების, კულტურისა და სპორტის დეპარტამენტს.
8. ბრძანება შეიძლება გასაჩივრდეს მისი გამოცემიდან ერთი თვის ვადაში ბათუმის საქალაქო სასამართლოში (ქ. ბათუმი, სტეფანე ზუბალაშვილის №30).
9. ბრძანება ძალაშია გამოცემისთანავე.

რექტორი, ასოცირებული პროფესორი



მერაბ ხალვაში